

SAKSPAPIR

Saksnr	Utval	Type	Dato
111/20	Formannskapet	PS	25.11.2020
114/20	Heradsstyret	PS	09.12.2020

Saksbehandlar	ArkivsakID
Runar Ludvigsen	20/1021

Framlegg til endring av struktur i reglement

Vedlegg:

Reglement for formannskapet - forslag til endring av struktur

Reglement for plan- og kommunalteknisk utval - forslag til endring av struktur

Oversikt over likheit og ulikheit i reglement for herad., formann., og pkt.ut

Oppdatering av reglement for Heradsstyret

Rådmannen sitt framlegg til vedtak:

Oppdaterte reglement for formannskapet og plan- og kommunalteknisk utval vert godkjende slik dei ligg føre i vedlegg til saka

Formannskapet - 111/20

FS - behandling:

Ordføraren, gjorde slikt tilleggsframlegg: "Nytt avsnitt øverst s 2:

Innkalling skal innehalde start- og sluttidspunkt for møtet. Tidsramma for møtet vert stadfesta av heradsstyret under godkjenning av innkalling og sakliste.

Om saklista ikkje er fullført når sluttidspunktet er passert, vert møtet avslutta når påbyrja sak er ferdighandsama. Resterande saker vert oversendt til neste ordinære møte.

Heradsstyret kan med ordinært fleirtal vedta å gå utanfor tidsrammene sett ved innkalling om dei finn det naudsynt."

Hjalti H. Gislason, H, gjorde slikt tilleggsframlegg: "

Endring #1 i §2 i Reglement for plan- og kommunalteknisk utval:

Setninga:

I plansaker vert mynde etter plan- og bygningslova 2008 delegert slik til utvalet, jfr. kommunelova § 10, nr. 2:

vert endra til:

I plansaker vert mynde etter plan- og bygningslova 2008 delegert slik til utvalet, jfr. kommunelova §5-7:

Endring #2 i §2 i Reglement for plan- og kommunalteknisk utval:

Fylgjande setningar går ut:

Arealplanar

Utvalet gir uttale til formannskap/heradsstyre i saker om arealplanlegging (detaljplan, reguleringsplan, områdeplan, kommuneplan) .

Utvalet er høyringsorgan for sektor- og tema- og andre planar innanfor sitt arbeids- og ansvarsområde, og som skal handsamast i formannskap/heradsstyre.

og er erstatta av:

Utvalet skal gje uttale til heradsstyret i saker som gjeld konsesjonssøknader, jfr. vassfallrettigheitslova §13.

Utvalet er høyringsorgan for sektor- og tema- og andre planar innanfor sitt arbeids- og ansvarsområde, og som skal handsamast i heradsstyret.

Utvalet skal gje uttale til heradsstyret i saker som gjeld:

- Overordna plan og utvikling knytt til kommuneplanen sin arealdel (KPA)
- Kommunedelplanar, reguleringsplanar, områdeplanar, detaljplanar m.v.
- Reguleringsaker og arealrelaterte saker
- Alle saker etter Plan- og byggningslova 2008, unnateke slutthandsaming av klagesaker
- Klagesaker innan byggesak går til Plan- og kommunalteknisk utval med innstilling til vedtak etter følgjande modell:

- Etter at klagen er motteken vert han handsama administrativt,
- Klagen vert deretter send til utvalet med innstilling til vedtak,
- Utvalet vedtek om klagen skal takast til følgje eller ikkje,
- Om utvalet ikkje tek klagen til følgje, vert han send Fylkesmannen for endeleg avgjerd.

Endring #1 i §2 i Reglement for formannskapet:

Fjern følgjande frå lista:

Overordna planlegging, kommunedelplanar og områdeplanar

Grunngjeving: Dette innstillingsmynde er delegert til Plan- og kommunalteknisk utval av heradsstyret og er definert som del av utvalet sitt arbeids- og ansvarsområde.

Endring #2 i §2 i Reglement for formannskapet:

Stryk frå lista:

Politisk organisering og utvalsstruktur

Grunngjeving: Dette bryt med kommunelova §5-7. Heradsstyret har suverent mynde til å avgjera politisk organisering og utvalsstruktur.

Endring i §7 i Reglement for heradsstyret:

Endra første ledd, siste setning frå:

Avrøysting om lukking av møtet skal skje i ope møte.

til:

Avrøysting om lukking av møtet skal skje i ope møte, og heimelen for avgjerda skal opplysast i ope møte før avrøystinga.

Tillegg #1 til §10 i Reglement for heradsstyret:

Sak som står på saklista til møtet kan berre trekkjast av møteleiaren dersom eit alminnelig fleirtal av dei frammøtte representantane er for dette, jfr. kommunelova §11-3, fjerde ledd.

Tillegg #2 til §10 i Reglement for heradsstyret:

Sak som står på saklista til møtet men alt er avgjort, kan handsamast på nytt i same møte dersom møteleiaren eller eit alminnelig fleirtal av dei frammøtte representantane er for dette, jfr. kommunelova §11-12.

Tillegg #3 til §10 i Reglement for heradsstyret:

1/3 av medlemmene kan krevja skrivleg at ei sak vert ført opp på saklista, jfr. kommunelova §11-3, første ledd, siste setning. Slike krav må sendast ordføraren seinast 10 dagar før eit heradsstyremøte for at saka skal verta ført opp på saklista i det møtet.

Endring i §10 i Reglement for heradsstyret:

Stryk setningane:

Sak som ikkje står på sakslista til møtet, kan realitetsbehandlast dersom ikkje møteleiaren eller 1/3 av dei frammøtte representantane er mot dette, jfr. §11-3, femte ledd. Fleirtalet kan likevel vedta at

saka vert underkasta ein førebels debatt. Om realitetshandsaming av ei sak på denne måten vert avvist, kan fleirtalet likevel vedta å senda den til rådmannen for førebuing av saka til formannskapet.

Grunngjeving:

Fyrste ledd, nest siste setning i §10 i reglementet gjev representantar høve til å kome med førespurnader i møte.

Føreslått tillegg #3 gjev representantar moglegheit til å få inn saker på saklista.

§19 gjev representantane høve til å senda inn skrivlege spørsmål inntil to dagar før møtet.

§20 gjev representantane høve til å få opp interpellasjonar til debatt gitt at dei kjem minst ti dagar før møtet.

Historisk har desse setningane ført til lengre debattar der einast eit mindretal av medlemmane er orientert om tema som er til diskusjon, og ordførar ofte ikkje har hatt moglegheit til å førebu informasjon eller svar. Det er lite teneleg bruk av heradsstyret sin tid.

Ny paragraf §14-1 i Reglement for heradsstyret:

§14-1 Gruppemøte

Kvart parti kan einast be om eitt gruppemøte i kvar sak. Eit gruppemøte kan ikkje vara lengre enn 10 minuttar.

AVRØYSTING:

Rådmann sitt framlegg	-	Samrøystes vedteke
Ordføraren, sitt tilleggsframlegg mot 3 røyster (2FRP,1KRF)	-	Vedteke, 6 røyster (2AP,2SP,1H,1SV)
Hjalti H. Gislason, H, sine tilleggs og endringsframlegg røyster (1SP,2AP,2FRP,1KRF)	-	fall, 3 røyster (1SP,1H,1SV) mot 6

FS - vedtak:

Oppdaterte reglement for formannskapet og plan- og kommunalteknisk utval vert godkjende slik dei ligg føre i vedlegg til saka

Avsnitt øverst s 2:

Innkalling skal innehalde start- og sluttidspunkt for møtet. Tidsramma for møtet vert stadfesta av heradsstyret under godkjenning av innkalling og sakliste.

Om sakslista ikkje er fullført når sluttidspunktet er passert, vert møtet avslutta når påbyrja sak er ferdighandsama. Resterande saker vert oversendt til neste ordinære møte.

Heradsstyret kan med ordinært fleirtal vedta å gå utanfor tidsrammene sett ved innkalling om dei finn det naudsynt.

Saksopplysningar:

Saksopplysningar:

Det vert med dette lagt fram framlegg om å endre strukturen i reglement for formannskap og plan- og kommunalteknisk utval, då desse pr i dag er unødvendig lange og omfattande. Tilsvarande endring er tiltenkt for alle utvalsreglement. Dei andre utvalsreglementa vert teke opp til handsaming til første møte i 2021.

Det er mykje som går igjen frå heradsstyrets reglement og det er difor ikkje nødvendig at dette også

skal stå i under utvalene sine reglement, då det uansett er likt og følgjer av kommunelova.

Endringa vert lagt fram med den hensikt å gjere det enklare å sjå kva som er viktig og vesentleg for det bestemte utval og gjere reglementet meir lett-lest og mindre omfattande.

Endringane som er gjort er som følgjer:

Formannskapet §§ 4-24 er fjerna og erstatta med: «Formannskapet skal, så langt det er relevant, følgja reglane for sakshandsaming slik dei er fastsette i reglementet for heradsstyret, §§ 3-19 og 24 - 27.», som er lagt inn heilt til slutt i reglementet

For plan- og kommunalteknisk utval er §§ 3-24 fjerna og erstatta med «Plan- og kommunalteknisk utval skal, så langt det er relevant, følgja reglane for sakshandsaming slik dei er fastsette i reglementet for heradsstyret, §§ 3-19 og 24 - 27.», som er lagt inn heilt til slutt i reglementet

Vedlagt ligg det ein tabelloversikt over reglementa slik dei er i dag og kva som er likt/ulikt.

Konklusjon

Saka vert lagt fram for formannskapet med handsaming og innstilling til heradsstyret